

清・錢塘丁丙撰輯

武林掌故叢編  
9

台聯國風出版社  
華文書局聯合印行

武林掌故叢編目錄

第十八集

西湖游詠一卷 明田汝成黃省曾撰

護國寺元人諸天畫像讚一卷 明傅巖撰

杭城治火議一卷 國朝毛奇齡撰

湖樓集一卷 國朝朱琰撰

庚辛泣杭錄十六卷 國朝丁丙編

武林掌故叢編 第十八集

光緒甲午九月

西湖游詠

楊學洛署



八千卷樓梓行

西湖遊詠序

吳郡黃 省曾 撰

夫山嶽者峻削太冥非國聚之全服崇奠隅幕非閭市之喧境言日月則環朗甲子之外寧車馬之塵途語麟鳳則覽集矰弋之表豈榛蘿之近止況乎靈盤秀拔可以培特介之操澤閭紀帶可以相弘覆之業雲煥霞敷可以映文章之藻出釀玄漠之蘊處固韜虛之德迺知巨圍之寸陰信邁濁渙之畢歲矣省曾恭遭明聖之朝頗希濟經之效然蘿壑多懷志常沉菀蕭齋積疚悰深絳結犬馬之齒日消丹藥之營靡

西湖遊詠序

一

息編披安策誦興獻補之思鏡理槁形歎非廊廟之器是故袁安困臥門寡啟雪之賓徐穉淪窮心無下榻之望亦鑒濫交無益瀆與恒羞所以三徑陸沉一瓢偃蹇委躬芝朮甘分蓬蒿嘉靖丁酉之冬豫陽田子佩符方伯返鵠長安爰爰嚴昌亭眷焉瞻近頃談小答遂洽如蘭由是渙爾遺形樂然矧几相與究道德之淵極述鉛槧之歸肯標恬損之獲祖陳金玉之招患莫不拊掌怡襟愛爲詮石自是穆音宵贈久要不忘況我田子梓德無雙清識難尙少探四部耀組二京白署展雷電之能禮曹表直清之采拱土宗則冰

鑒有融握憲旌則王章載炳厲躬廉約宛擬范宣出矩雍容卓如周顗事親竭孝鄉欽長豫抒文蔚麗士頌平原體詞縱實肆武建安出響陶和追蹤大雅所以遂成君子之交永締林中之分推誠有告前接李談對遺筌上借彪敏廼於杪歲期我西湖是地也

西湖遊詠序

二

之情于是春冠有來珠林廼寓並攜彤管駿討青山襟慮俱忘軀骸盡釋意之適暢則複棧皆凌衷之嘉嗜則詰屈咸度嶽靈百勢川后千殊颺音鳥唱遺我以玄解之弄桃華李瑩照我以妍菲之色淙飛澗折滌我以德善之流樵嬰漁老無機械之歸灰禪槁羽靡羅陷之腸所遇皆玄都歸敘寫無觀不妙罄述毫端由是綴在娛心詠非媚物調惟神發無片詞之杜鑿言以核領何一文之妄屬如花芳足吐靈靄滿世理王則連翩而摘意疫則靜泊以俟是以迫桐匝月鋪撰盈緗若玄造以蕩廣而宰生籌算以無情而運

數經緯地德錯縱淵圖陸金屢奏潘錦叨媿雖似雕  
模未嘗點定攬集倡和共得古詩三十八首加以國  
彥彬彬家希周漢鄉英藹藹族重風騷聞茲勝集皆  
有賞言田子廼付刊流以代傳寫于時此邦臺司建  
平章之化郡牧布愷悌之政峻農康謐草木光熙所  
以蘿薜之人非承夏屋之譽亦遂逍遙之樂矣不然  
則勞擾之俗煢蹙之氓非所樂觀矣豈能淹遲三月  
賁緝羣章以陶羈旅之況哉展哉熙皞之土廼求志  
者之所安棲也梓事旣登聊綴爲序嘉靖戊戌三月  
朔

西湖遊詠序

三

西湖遊詠

投贈五嶽山人黃勉之一首

錢塘田汝成

謁帝肅秋觀沿牒返南紀祗役徑名都親賢款仁里  
壇地遠囂塵衡門結華軌絃歌振前榮芝蘭夾後祀  
伊人特高妙符彩夙秀峙六藝綴芳裝三冬飮玄髓  
蓄德媚珠懷摘詞爛雲委巧速伸宣如工遲長卿似  
散帙解人頤抽毫屢予起虛往實以歸室遠道仍邇  
識面慰素欽卜隣迨今屢

答贈豫陽方伯田叔禾一首

西湖遊詠

一

吳郡黃省曾

懷風道曠熄詠性和恒寡遐鳳擊霄萬細鷄玩蓬下  
作軌方沓迷天府吐茲假之子振摛藻揚籟排衆冶  
絳冕效貞矢山水有清寫儀吉光漸鴻襟遠銷害馬  
懸遲迨頑薄旌屢戾衡野伯琴感初揮嵇林悅新把  
眇眇言驚玄彬彬意凌雅永好在報章援翰此欣灑  
寄贈勉之一首

田汝成

溟渤長百川攝提紀羣曜玄覽縱古今達人秉樞要  
光儀表人倫藻謨華名教尙絢問逾榮粹茹賢孤邵

伊余防沉冥自牖延靈照抱素寡泛壽當途眷高蹈  
慕蘭神屢交攀嵇懿初紹傾蓋結綢繆披襟領微妙  
墳素恣奇技蓀蘭從夙好六蔽行已蠲三益誠知樂  
短札媿李投晤言冀瓊報

叔禾寄我瑤詠答贈一首

黃省曾

陶遨迨冬暮義途無弭節天漉馳凜颺齋墟颯清雪  
惜古心糾繚懷朋神越裂我友枉章賦伊予抒歡愜  
歌永感華展款風羨奇結雅藻非兩驅騷英迺均轍  
閭風升遠遵瑤華寓芳折四始述不歧二曜名與挈

西湖遊詠

二

誼好衷吐傾聲同言眷竭茲道期永要重爲君子說  
南邁武林訪叔禾踐湖上之約初至一首

黃省曾

寢痾揮北轅樂至縱南柁天倪寡有迫空谷靡所制  
寸心勞上賢千里訪密契瀏若訊已夙明如掇何滯  
需川涉元朝旅次乖佳序已至懷尙仲未邁歡猶翳  
昔寐愁睦夕興視愉星曙匪感氣候變所覩山水霽  
肅冠舫廬閒抽想曠清處呂駕旣在茲賀琴庶當遇  
喜勉之至答贈一首

田汝成

甘霑渥青郊條風汎華薄江梅談餘英墟桃紅始萼  
荷鋪理泉源疏畦藝芸若治志屬雲岑揚衡俯塵郭  
存故眷蘭交成言締金諾未諗發軔期俄枉稅駕作  
倒屣展緘魚巡簷欣報鵲神往身已空顏披意彌廓  
洩情兩融蘊蘊形外略訪戴返無虛御李居匪索  
似以永綢繆維駒賴場藿

寓大石佛院綠竹北軒一首

黃省曾

矯仲偃崖室禽慶謁名嶽敕事澹無役行泥何不樂  
暖春振霄褐苔境躡雲屬性冲駕奧林神夷選清壑

西湖遊詠

三

于此綠篁陰乃有金園閣南湖晃縈瀾北嶺迤絲絡  
霽懷對禪解玄心弄烏雀萬物覽參坻一得觀並作  
息宴頓遊轡琴書聊爾託

同詠一首

田汝成

禪關信窈窕飛軒結層岑紅泉渴靈液綠篠屯幽陰  
登樓有高眺窺園亦近尋我友蘊真賞晤言偕宿欽  
遊神隘八極斂迹依雙林慮泊求罕固思玄物詎侵  
虛嘯撰危策陶和賴孤琴慧日朗虛牖祥颺襲冲襟  
遺榮賁高趾親仁息長心斐疊發衆難鏗鏘劇賡吟

機忘狎魚鳥道在蔑纓簪

叔禾枉輿湖上便同理棹尋南山下淨慈寺

首

黃省曾

隱才抗貞步達屨存同調琴瑟心既開登捫輿茲掉  
浼浼北湖厲窈窕南山眺雙情交遠襟晨論皆清詔  
蘭陽佐騰羽翠阜延興嘯靈紀倏攀仰表剎在瞻造  
金軀儼峩容寶宇廓層嶠五藥懸采掇入正期精邵  
虛林琅法鼓茗木鳴芳翮遨衷未云已盤徊盡西照  
同詠一首

西湖遊詠

四

田汝成

逸軌鮮希蹤清襟歛同貫良覲願已酬沉憂緒滋渙  
幽討方撰辰薄遨因穀旦蘅汜蕩纖颺蘭燒漾澄澗  
芊芊煙樹紛繹繹冰魚汕北阜阻朝躋南屏延夕盼  
鷺嶺縵參差龍宮鬱輪奐大覺稔前聞諸天豁雄觀  
七淨析玄宗六塵洞浮幻明心映玉輝粹語連珠粲  
乘日獲所偕盤桓諒非漫

遵玉岑山高麗慧因寺由六橋步歸一首

黃省曾

插枉方巍上挈舟仍奧驚語語豈憚酬觴觴忽申暮

遇物皆陶悅睇佳濫淹駐瑤英攬南岑金書展東庫  
五行排冥筮三危攝淨住夕漢無遲晷昏林溢飛霧  
騰波拒前楫響颺改還路遊舫集渚欽浴鶴泳濤泝  
帶麓循返蹤繁芳引蹠步倘匪躑躅遊安能表高悰

同詠一首

田汝成

危岫擁嶠嶮輕裾恣超軼遠眺幽蘊舒近矚麗景密  
丹厓望騁窮玄門瞻儼卽貝牒衍三車珉經閱重譯  
法相覲象龍高談錯儒釋與隩擬架披扶光忽飄匿  
草草風栗留滃滃雲蒙冪枉渚浪西頽環洲棹東尼

西湖遊詠

五

引屨回徑餘行吟餘賞適迢遞陟飛梁徙倚憩磐石  
步雅體仍和神王心逾逸微尙易爲盈良遊難可述  
登巨石山絕巘緣葛嶺小憩山居蘭若一首

黃省曾

畏糧適湖奧蘭春際初月良友林中欵珠談物外愜  
神遇咸滿志遊情詎云歇交臂非塵把觀境有妙躡  
踐岑蘿易援躋岑階屢絕巘噴吭瞻上峯欵巖顧下磔  
南俯城郭攢東覽江嶼豁虛颺發靈響高雲增秀結  
謝賞共嚴阿孫眺窮嶺折況遵驂羽蹤可以步芳哲

同詠一首

田汝成

信宿託湖裔，佻伴迨春熙。嘉招荷惠友，幽尋挾名縑。  
牽蘿越玄澗，攀桂凌丹梯。峻嶺紛上千，奔厓儼東馳。  
天清識海樹，沙明辨江湄。曲阡迴綺錯，蹲厓歷星離。  
崢嶸攝仙骨，翩翻弄雲涯。稍憩繹前美，長謠屬後奇。  
巖芝絢月彩，石蒲挺瓊蕤。采采滿襟袖，喟焉罕所遺。  
出段家橋堤步至孤山上一首

黃省曾

少有巖壑性，世羅不可移。心駭雲臺宅，願逸霞林居。  
晨興詠邁軸，春賞下招提。淩湖散幽趾，屬島登青梯。

西湖遊詠

六

今裁非昔萼，新宮仍往基。峙瀾出中浩，列嶂環眾奇。  
蕭條側墟隴，高尚企襟期。玄陰錯澄流，朱緯雜芳吹。  
龍盤天海恆，鳳遠羅爵宜。景爾徵士蹤，寫唱感脚躄。  
同詠一首

田汝成

登臨興初厲，暄霽情益牽。循芳疊躡履，遵渚藹隨肩。  
左右披杜蘅，表裏玩風漣。藉草蹇翠幕，依欄遲紅舩。  
流盼匪物誘，會意廼冥筌。卓犖偶今侶，幽貞懷昔賢。  
誅茅孤嶼側，息影槁梅前。鄭谷似窈窕，嚴灘類潺湲。  
弱齡尚有適，晚歲賞無愆。丘中反初服，脫屣此盤旋。

月夕挈酒湖畔寓目一首

黃省曾

逸體貴行和，閒趾悅佳就。澄舒光始半，華條滋兆茂。  
乘暉謝燭秉，頌德引孟奏。寂謐輟空籟，微冥羃朝秀。  
際嶼霧浩屯，彌湖星朗覆。靈皋寫長堞，澹水影羣岫。  
妙志不遑寧，玄覽從茲究。理等古，豈遐神避。今非後，  
懷玉聊以娛。委易詎云繆，載詠前哲言。身聖超宇宙，  
同詠一首

田汝成

遲日永翱翔，縞夜復繾綣。把酒對平川，駢筵俯清沔。

西湖遊詠

七

離離星匝天，亭亭月登嶽。秀彩凝可餐，蠶塵蕩如洗。  
草際露華鮮，花閒風力婉。物色旣澄妍，笑言此申展。  
閱世感化遷，居常謝累遣。授簡思俱玄，登樓興誰淺。  
徘徊人境迷，想像天路緬。何當淩紫氛，乘鸞共流衍。

謁鄂國武穆王廟宮一首

黃省曾

噍城託湖澳，丹宇綴山陽。戾止已切脣，停挹忽霑裳。  
百六邁傾朝，四七擁惟良。武烈誠希代，國士展無雙。  
師尹蕩友紀，榮夷糾皇綱。遂使汗馬雄，反蹈屬餽殃。  
紫垣蔽滔詭，標關恣遊荒。妖瀝驚穢甘，介狄黜淺忘。

嬰伏迫忠賢，器怨恫多方。一胥曾顯吳，匹尹亦與商。  
孰云宋錄燼，不在岳氏亡。荃宰旣先撥，宗稷安可長。  
聖世欽往才，歲莫炳今章。哂彼俄頃榮，孰與萬祀光。

同詠一首

田汝成

宋造昔云季，胡風日南馳。嶠函旣灰燼，伊洛亦丘墟。  
賢豪應時出，當天錫英姿。束髮秉旌節，鑿垣厲熊羆。  
一枝摧日逐，先聲警月支。列郡樹質館，遺民佇官儀。  
蠅營譖何潤，筌心怒方憐。勒社勲未策，賜錫譴已隨。  
闔門伏忠憤，明義咸不虧。英魂搗北漠，宰木矯南枝。

西湖遊詠

八

懷賢思儼若，撫景益淒其。楚蘭曾殞屈，吳語亦殲胥。  
名高迺招毀，威震坐生疑。扼腕每自昔，沾纓非獨茲。  
循宗鏡閣左，登南屏山頂。披險西討一首

黃省曾

迴山肖郭郭，佳秀蕩遊心。北棲慙不足，南峭引遐尋。  
摘雲生新彩，響鳥變蘭音。潛灑出霄瞰，表裏盡高臨。  
情來暢無際，奇湊領不任。攀崇復希峻，在窮重懷深。  
前探後屢掩，左越右瑋沉。湖狀改遵嶺，煙華異觀林。  
樵人時諗蹊，仙陬屢憩陰。但可寄冲想，聊復弄丘琴。

同詠一首

聊浪已浹辰，次第極奧賞。潛棲神鬱伊，高筴性陶朗。  
磴棧絕黃緣，厓館忽躋仰。萬壑遞雲屯，雙峰對霄上。  
妙覽匝四隅，瑋觀集西壤。餘霞散浮綯，高飈驟清響。  
陽阜挹春暄，陰谷參秋爽。已訝樵徑迷，時睇鹿町往。  
景觸咸內任，情融非外獎。藉此淑營魂，冲襟庶殊曩。  
入大慈山飯虎跑泉精舍一首

黃省曾

崖行多優遊，穹曜但亭午。倚撫心不厭，跼躓意增愈。  
疏甸分花應，層阜別雲吐。疲足休給林，澄心投象宇。

西湖遊詠

九

藻瀉淙瑤瀨，限隅麗丹廡。七覺啟幽局，一道界盤塢。  
不謂此山椒，乃有彼岸侶。芬縕瞻戒香，絡繹會宗語。  
法供豈世調，靈餐異塵脯。往牒稽聽龍，昔泉酌跑虎。  
一謳傲自足，萬細何足數。

同詠一首

田汝成

足勝豈知疲，逢恬忽思憩。杳窅松徑紆，緯繡煙蘿翳。  
琳宇謝埃紛，珠泉吐靈秘。靜勝欣所投，情深失初詣。  
玄沉析朝醒，青精飯晡餽。身同罔象遊，世與羲皇契。  
暮色更明佳，予心益先霽。落日淡林端，歸雲泊山際。

亭亭野鶴孤矯矯冥鴻逝幽慘歛有諧疇能辨真意  
眺初陽臺從妙智院北探紫雲洞一首

黃省曾

登登俛陽臺曖曖觀羲燭停爾絕仞巔娛我芳春日  
蓬蹊覺宛轉皎鏡眺迴復抗策凌煙虹披夢扣扁屋  
巖梅皜冬素山篁團故綠敞窗迎遠心緬閣寄孤躅  
玲瓏投廓洞峭嶢下空曲法館展虛綴迷覽皆妙屬  
討顏佇茲開賞心於此足嶸豁宜考槃期當寓清築  
同詠一首

田汝成

西湖遊詠

十

高臺軼浮壻初日炯流光振衣躡玄嶠睇髮從朝陽  
化城繞竹鐫枉術披榛荒巖扉藹雲構林幄褰霞張  
拂石掇流乳撫松截凝肪身殊三避隱心遠六鑿攘  
逸取尙平擬遊獨康樂方排綵澹無援屏從寡所將  
遐夜極睹記幽緯悉張皇遠度匪云慕聊以終倘伴  
自石屋洞至法相寺一首

黃省曾

性分各有極脩意江海上採藥仍景臺顧老廼希向  
披情樂林草夙駕遊雲嶂陽岫方緬觀陰崖戢虧望  
壁闕時疎佈洞闔恣登降覺路馳訪蹤開士禮趺相

形忘躬有蛻理止神非喪承泉代綆汲託基排壘枌  
安道志豈渝興公懷自亮沉冥常內足高寄無所讓

同詠一首

田汝成

曠志憶逍遙勞歌厭囚窘縱壑媚春鱗薄霄愧秋隼  
隘彼方內遊夙此塵外軫每挹山水輝都使名利盡  
煙樹杳芊緜雲峰互虧隱崖屋已靜便祇園復恬引  
金輪相自圓玉鏡光猶蘊沉照燭靈根依方獲玄準  
理會得有充神開暢無朕雖牽縷細心亦免亾壑晒  
並南峰後攀風篁嶺酌龍井泉覽神運片雲二

西湖遊詠

十一

石一首

黃省曾

旭輿繚金灘晨塢采綠關寥閭靈異鄉荒畛遯淪輟  
穹林隱天崇汗澗灑流折巾屨都澹清耳目亦瑩澈  
礁升攬英穎崕止軼埃壙風篁佇新鬱龍泉飲古渫  
蕭樓始一躋妙石得雙閱霄中仙掌抗霞裏片雲揭  
迹閱丹鯉藏事往銀簡滅恨不總義轡處此玩恬悅

同詠一首

田汝成

遊輟每迫隨茲辰獨超忽逸思與騰馳希蹤逮塵絕

君遲脰已悄我觀心纔豁冉冉軼浮埃翩翩厲層磔  
風篠聆淒清龍湫挹寒冽高閣倚重阿異石瞻雙碣  
壁立迴神軀華凝殆天設行看西日曉坐送歸鴻滅  
卽境境已奇循情情更別信美豈異鄉吾廬庶堪結  
發潮音樓峻崖西越永清塢獅子峰上一首

黃省曾

睇阻謂有窮訊高云可達翦削何當上冥昧且茲發  
天表旣排度山野遂侈濶新禪宅杳篠古隘際閭闔  
松芥非人寔芝秀有眞掇聳崖愕四矯潮江貽兩匝  
緯帶萬畛殊煙雲千里合歸乘中谷風蕭條感林岫

西湖遊詠

三

同詠一首

田汝成

望望入名山行行卽佳境日永思俱遲地邇遊堪并  
霄外凭飛櫺雲端度懸磴鹿苑息蕭騷獅峰閣雄勝  
江暄樹影重風疾潮聲勁霽景益高朗清暉互窺映  
身世欲兩忘眺聆亦交瑩玉度嬌良濟瑤音振廣詠  
樂道匪清狂宅心屏華競眞想安所期濠梁緬同興  
出谷口循澗歷三竺寺徑神尼舍利塔觀飛來

峰諸洞一首

黃省曾

崙崙降山口迴迴厲澗潄連絡五峰奧綴抱三竺林  
閒清履化國脫落諷寶音都泯塵惑相拭寫纏倒心  
頭陀遭玄侶才苦寓丹岑巖扉瞬爾隔洞府倏在臨  
外擁壘折裂中虛啟委深崢窗非斲設窅奧豈端尋  
卽睠宛光怪歷仲駭森陰信矣仙靈治故非世所任

同詠一首

田汝成

晨策陟陽椒歸輿順陰麓澗澗咽哀淙松松振新沐  
岩堯列五峰宛轉攢三竺隻屨緬昔還植錫崇今築  
珠林仙梵悠桂殿慈香郁始至身若空稍深情愈屬

西湖遊詠

三

一首

黃省曾

半陟神已慄極振目逾眩分野炤可指山雲誰能辨  
藩周縣界絡江末海光見松表聽叫清崖閒羽棲宴  
東月已吐暉西驪將隕絢創觀世可遺薄返情猶眷  
翠微構翳隱初春沃菰蓐餐霞哂他晚遜谷矜我先  
物軌諒有齊意適無所羨逍遙嗣永言抒心布朋彥

同詠一首

田汝成

羣阜鬱嵯峨茲山特孤矯側跼屢驚中坐神猶掉  
身同鴻毳微路出羊腸繞冷泠風御輶奕奕雲乘藐  
隱賑邑里攢廓落江湖小圓曜迫西溟方暉嗣東沼  
邃宇結雲倪初衣稅松表寸晷卽沉淪百營盡清悄  
良辰苦蹉跎勝事憚空杳載筆歌永言陳迹庶堪紹

西湖遊詠終

西湖遊詠

十四

西湖遊詠後序

錢塘田 汝成 撰

夫登高侈賦者表大觀之雄懷釋戀冥接者顯通玄  
之雅致是以仁智之性山水爲娛文武之道張弛迭  
用自古蟬蛻之彥豹變之英鮮有不託慕雲霄放情  
丘壑者也雖然濠梁之樂必莊惠而偕蔣徑之蹤非  
求羊莫儷何則披襟領契知已良難況乎方駕詞場  
連翩藝苑疊填簾之協奏宣黼黻之奇葩者哉粵我  
五嶽黃子秀稟上靈業成獨步負沉鬱之思拓奧衍  
之才用能包并百家馳驟千古氣同子建而文藻蔚

西湖遊詠後序

一

敷博如張衡而縱覈確緻抗浮雲之志茂朱輪之外  
榮考飛遜之貞敦白華之純孝是以海內推轂人倫  
仰鏡求之素流矚然罕伍矣伊予蹇劣寔取因宗傾  
蓋披顏片言莫逆昔叔向聆聲而攬袂李邕識面而  
論交古今人情信乎揆一廼黃子渙遠遊之興寓眷  
西湖鄙子洽競爽之心主供東道千里命駕嵇呂之  
願無違嗣月交驩雷陳之好益固況乎節開獻歲景  
淑蘭春山麗日而揚輝水泮漸而增潤外物呈美中  
懷有融逸韻格于丹霄遺思育于玄夜窮觀極討勝  
地咸周命札操觚綺音胥答緬昔康樂石門之詠恨

乏賡歌右軍蘭亭之禊賞纔窮日豈如茲遊之樂既  
久且諧善乎靈運有言道可重故物爲輕理宜存故  
事斯忘夫道重篤詩書之好物輕齊榮辱之分理存  
陶性命之和事忘釋身世之累斯則賢達之本衷高  
明之朗鑒也自非行輩疇與評量總凡所得五言古  
詩若干首緝次右方近體雜篇哀爲別集庶使規鑑  
不淆風致各得云爾嘉靖戊戌春三月三日

西湖遊詠後序

西湖遊詠後序

二

護國寺元人  
諸天畫像讚

錢塘王元祿書眉

光緒乙未夏月  
泉唐丁氏刊行

護國寺元人諸天畫像讚

明義烏傅巖野倩撰

梵天王案即娑婆界主號令獨尊大梵天王

大梵王冠綬衣履如古帝右執爐作蓮心受炷

方柄下折左拈栴檀所謂娑婆世界主者也雙

鬟二身首珠纓露臂足捧合及瓶花

劫始先生為佛警蹕娑婆下帥輔康上騰動念有情

梵子在膝火定脩悟界高兜率栴檀親炷威儀靜吉

離欲初禪近法第一傳巖敬題以下皆同

梵天王梵語具云梵覽摩華言離欲又云清淨謂

諸天像讚

一

此天王身心妙圓威儀不缺清淨禁戒加以明悟

統領梵眾即法華經稱娑婆世界主尸棄大梵王

大千世界者也梵語娑婆華言能忍梵語尸棄華言頂髻又云火繚脩火定而悟道

也崇禎甲申春仲錢塘傅齡文薰沐敬書案齡文即野倩先生長子入藉錢塘為諸生

弟子謝彬齋沐稽首謹識祈天福攸如延允茂至

能仁濟拔彬字文候上虞人乞恩獲歸并題家於杭以工畫著

帝釋天案即地居世主利中王帝釋尊天

釋提桓因寶髻瓔珞合掌服如王者覆以袈裟

好女雙髻持數珠笄者以吧束髻拱立

嚙孟傳偈實主忉利以斯因緣壞色標幟乃主維鬟

璫珠弄器王逢道署上帝儒字汝脩宰堵同三十二

永偕大梵嚴衛佛次

帝釋天王帝即天帝釋梵語具云釋提桓因華言

能天主言帝釋者華梵兼稱也此天居須彌山頂

即忉利天主也謂此天往昔因中迦葉佛滅時有

一女人發心修塔復有三十二人助修繇是功德

女為忉利天主其助修者皆作輔臣合稱為三十

三天也梵語須彌華言妙高梵語忉利華言三十三梵語迦葉華言飲光崇禎歲

次甲申春王錢塘葛邦熙為母謝氏祈壽康祿茂

諸天像讚

二

慈護永綿謹題案所鈴章字素先

毗沙門天王案即北方護世大藥叉主多聞天王

北水精埵鞞沙門天王額戴寶珞猶目披甲擎

舍利塔項有青光藥叉朱鬘張口頭垂鬍髯執

如斗阜旆胡人侍立烏爪蒙貂髯面

王須彌如福德普聞掌中金色古佛是墳勇健無量

能為之君英儲應僉安西著勳品埵隱日寶戈出雲

天驕摧服繫組曷云

毗沙門梵語也華言多聞謂此天福德之名聞於

四方即北方天王居須彌山半第四層之北水精

埵統領無量萬千藥叉守護北方也梵語藥叉又云夜叉華言

健崇禎甲申年夏仲吉旦新安弟子吳之敦薰沐

敬書祈百事如意者案鈴印字商隱

堅法弟子傳崑稽首和南謹識伏願同登善根天

福所蔭多聞流行永永無盡案鈴印字子玉

提頭賴吒天三案即東方護世乾達婆主持國天王

東黃金埵提都羅咤天王赤光露髻額瑠而髻

右提劍左攬衣袂披甲僮露髮仰鼻捧劍室力

士捉械

黃金如土國甯不治統攝香陰聽樂而持劍芒脫匣

諸天像讚 三

顛熱永離四皆可畏王獨多髭天根磨牙取以飾椎

特稱擁護金輪所資

提頭賴吒梵語也華言持國謂此天能護國土即

東方天王居須彌山半第四層之東黃金埵領乾

闥婆富單那等守護東方也梵語乾闥婆華言香陰即帝釋之樂神也

言主熱病鬼梵語富單那華崇禎甲申中秋弟子鄧維垣捐工

助袞伏願慈闈永護福祿無疆薰沐并書

弟子樊維嶽齋沐稽首謹識祈願慈親暮景康強

以洎妻孥眷屬福善攸同永遠無盡者

毗留勒叉天王案即南方護世增長天王

南瑠璃埵留離天王赤光臂弓握二矢被甲起

背後覆介者蒙多首按劍其一阜巾簪安石榴

花負輶

青寶南色王地同名瑠弧挂韓驚羽未鳴善根難長

魔事易成心手熟調巧便自生威德熾盛穢屏魅清

領光颯動指印霞顏

梵語毗留勒叉華言增長謂此天能令自他威德

善根悉皆增長即南方天王居須彌山半第四層

之南瑠璃埵領鳩槃荼等無量百千鬼神守護南

方也梵語瑠璃華言青色寶梵語鳩槃荼華言魍魎形即壓魅鬼也宏光乙酉歲

諸天像讚 四

仲春望日書於靈鷲山房弟子項士昌薰沐敬書

毗留博叉天王案即西方護世太龍王主廣目天王

西白銀埵毘留波叉天王赤光額瓔露髻橫鉞

交指上拱類章獸目倍諸王披甲鬼皆虎眉一

髻髑髏一龍角執鉞佩劍以侍

羣龍婉婉遊戲銀塊主者為誰種種妙響誑戲不作

眼舌俱廣珠珞千萬醒醒供養主忘匪目實繇忘想

黃鉞平臆斷自心上

梵語毘留博叉華言雜語謂此天能作種種語言

故又云廣目以其目廣大故即西方天王居須彌

山半第四層之西白銀埵領毗舍闍鬼等無量百  
千諸龍守護西方也梵語毘舍闍鬼崇禎十有七  
年歲在閏逢涒灘白藏之月慧業弟子葛邦畿合  
掌敬爲母李氏目疾樂見照明蒙佛金鑑縣遠具  
慶云謹題

金剛密迹

案即親伏怨魔誓爲  
力士金剛密迹尊天

金剛密迹貌甚獷生露鬚禮跳提杵身首瓔珞  
最繁一袍帶者雙手捧卷如文字髮垂冠外一  
侍者眉髮如珠蕪香低嗅以手覆鑪

願護千兄寶杵不碎倨怒獷鬚秘密耽愛法中禦侮

諸天像讚

五

不煩矜佩佛譜微密似堪紀載可一可二幻門必判  
樓主化身勿辯其昧

金剛密迹天手執金剛寶杵識達如來一切秘密  
事迹也往昔有王生千生有三子千兄同詣佛所  
發心修道而二弟不知一弟發願若干兄成道我  
則爲魔惱害之一弟發願我爲力士護千兄法卽  
金剛也領五百藥叉神皆是大菩薩等居妙高峯  
於賢劫千佛中俱護其法也劫梵語具云劫波華  
言分別時節賢劫名  
以此劫中多崇禎甲申年臘月八日弟子陳錫九  
賢人故也  
法名淨新敬述案鈴印  
字晴雲

摩醯首羅

案即特尊之主居色  
頂天摩醯首羅尊天

摩醯首羅散髮小鬚三目多臂合掌及弓矢繩  
戈火輪鬼以錦蒙髮虎文行纏肩劍一雙角垂  
鬚額出小首負弓衣

惟帝威靈得大自在普潤大千滴數雨濺居十住天  
巍姿雄態面具三伊秘藏往貸主饒目臂幻首隸戴  
莫炫五兵儷指承誨

摩醯首羅梵語也華言大自在又繙威靈或云三  
目故爲三界尊極之主輔行記云生色界天三目  
八臂騎白牛執白拂有大威力居菩薩住處能知

諸天像讚

六

大千世界雨滴之數統攝大千世界於色界中此  
天獨尊也三界者欲界色  
界無色界也崇禎甲申年仲夏吉旦  
錢塘弟子戴士彥薰沐敬書案鈴印  
字偶公

祈保續生福業轉瞬隨喜善根永遠如願弟子陳

鴻儒稽首敬識

散脂修摩

案即二十八部統領  
鬼神散脂大將尊天

散脂修摩施鬚揚髮貌如摩醯而二目作二臂  
合掌形甲而屬從者紅巾捧黃色襪一陋劣雙  
髻肩劍

鬼母所誕健提多力八臂不施皈依佛勅鬚無冠容

履有跣色寶印善升慧鋒忘憂二十八部除衰惱惑  
天大將軍三密是職

散脂大將散脂梵語具云散脂修摩華言密陀羅  
尼集云鬼子母有三男長名唯奢文次名散脂大  
將次小名摩訶陀能於十方世界覆護一切眾  
生爲除衰惱等患嘗地居或空居各有五百眷屬  
領二十八部鬼神隨是經典所流通處與諸鬼神  
往至彼所隨逐擁護說法者密消諸惡令得安隱  
仍以身口意三密而加被之謂眾味精氣從毛孔  
入此身密加被也莊嚴言辭辯不斷絕此口密加

諸天像讚

七

被也人進勇銳等此意密加被也至令聞者受人  
天樂疾得菩提其於賞善罰惡功亦大矣崇禎歲  
次甲申上元錢塘葛邦熙祈保祿崇名達嗣繁家  
慶齋沐拜書

案鈴印字華樵

大辯才案即能與總持大智  
慧聚大辯才尊天

大辯才莊嚴嚴相花冠瓔珞八臂持杵斧矛繩  
蒲挑鐵輪臂弓合掌執矢跪傍有蹲虎仰獅侍  
者種種而盛飾以器貯花在掌

案此係摩利支天之像讚與證語俱

誤

慧不住福如來能爾應食智報天胡不喜如是享受

才辯雙美諸佛歡供佛法廣被相表器表猛迅弭耳  
我憶維摩無滯遐擬

謂得大智慧功德成就大辯才也此天或居山巖  
深險處或在坎窟大樹叢林在處常翹一足八臂  
莊嚴常持弓箭刀稍長杵鐵輪帝釋諸天常加供  
養讚歎具無礙辯於一切時常自護世濟物利生  
流通佛法無所怠倦以慧資福故光明會上列之  
在功德天之前也崇禎甲申臘月華川傅齡熙齋  
沐敬書

案齡熙係野情先生幼子字長穆

諸天像讚

八

明筵上憑香華之永新本願因中證福田而長往  
謹識

陸慧  
項應集  
傅照臨  
朱驪  
項用忠  
項用順  
范維孝

戴璋  
項用習  
周耀閏

太功德天  
案即隨其所求令得成就大功德尊天

功德花冠瓔珞相貌殊勝左掌赤珠右手如接  
引侍女一雙鬟絡頂珍寶盈槃一貴飾握明鏡  
長繫縷

宿昔善根得殊勝相鬘蔽富儀幢圓勤餉寶足恣供  
樂法休暢福極慧圓如鏡取狀布施不窮萬億珍藏

多財而智優容足尙

此天涅槃經及陀羅尼集名功德天金光明經散脂品名第一威德成就眾事大功德天於過去金山照明如來所種諸善根故感福報相貌殊勝能

令眾生福德成就常居最勝園名曰金幢若說法者隨其所須供給無乏以福資集成出世因則果

滿二嚴依正殊勝也二嚴即福慧二種莊嚴也依報即國土正報即色身也

崇禎甲申獻春寶婺姜紹先齋沐謹識願百事維

新康甯家室云

案鈴印字啟肩

韋天將軍

案即殷憂四部外護三洲韋馱天將尊天

諸天像讚

九

韋琨將軍腕杵合掌介冑哲豐不髡天軍白澤兜鍪鬼以髑髏抹額捧匱函而發光

護閻弗營鬱單亦倚桓桓將軍量真行美彼三十一

四王距起介士不拜進與天齒棄爾樂育而承佛旨

慧杵似發伽藍永持

韋天將軍韋梵語云韋馱華言智論靈威要略曰

天神姓韋諱琨即南方天王八將之一臣也四王

合三十二將此其爲首生知聰慧早離塵欲清淨

梵行修童眞業不受天欲面受佛屬外護佛法統

護三洲利物宏化大濟羣生故凡建伽藍皆設像

崇敬以彰護法之功也三洲者南贍部洲東弗于逮西瞿耶泥也伽藍梵語

具云僧伽藍華言眾國即佛寺也崇禎甲申秋初邑人傅齡發書

男懋遠遠祈智慧無量疾疾永除者案齡發係野倩先生次子字長

含

堅固地神案即增長出生證明功德堅牢地神尊天

堅固地神珠鬘作女相帔佩合掌侍女一衣履

槃盛珊瑚一垂鬟露肘而跣持曲柄斗

皇地堅持隱形承足方輿聞法胥遂迺欲度珍濟物

吐食利俗瓊樹苗抽琳斗種續象服如河飛珠鳴玉

宛爾坤維居然乾躅

諸天像讚

十

堅固地神堅固者理體不壞如金剛王無能破也

地者謂其利世之功如大地持載萬物出生草木

百穀珍寶也此天隨是經典流布之處常作衛護

隱形法座頂戴說法者之閒足令聞法者如服甘

露增益身力地藏經佛告地神云閻浮土地悉蒙

汝護凡地所生皆悉豐足利養一切護佛教法於

世出世其功大矣問浮梵語具云閻浮提華言勝金洲崇禎十七年

首春五日弟子施有仁薰沐敬書祈求諸事吉祥

如意者

菩提樹神案即覺場垂蔭因果互嚴菩提樹神尊天